



# სასალსო ბატონი

საქართველო  
საქართველო

გაზეთის № 1040

დაგასტების № 183

კვირა, 10 ნოემბერი 1913 წ.

## რომანტიული თავგადასავალი ვახტანგ ღვინიაშვილი

(შემდეგი \*)

ერთ უკმერ დღეს მათ გაიასწყვიტეს ქალაქ გარედ გასვირნება. ჩასხდნენ მატარებელში, შუადღისას რომ ტფილისიდან გადის, და მცხეთის საოგურზე ჩამოხტნენ. აქ დაადგნენ ვახს, რომელსაც ყორნის ცხისკენ მიჰყავს. ნანგრევებთან ცოტა ხნით შეჩერდნენ გაოცებულნი. მათ წინ გადაიშალა სურათი, შეუდარებელი თავისი სიდიადით. თუმცა ამ ადგილების მნიშვნელობა თავისი სამშობლოსთვის არც ერთმა მათ განმა არ იცოდა, მაგრამ მათი გრძობა ძალაუფლებურად დაემორჩილა მათი სიმშვენიერის გავლენას.

ვღენე ჰვის კიდელს მიეყრდნო, დაბლობში მიმდინარე წყლის ტალღებს დააკვირდა მისი არსება გამოუთქმელ სიმჩატის და უზრუნველობას ჰგრძობდა. მას უნდოდა ტანთ გაეხანა, თმა გაეშალა და ალივით ქვაზე დამჯდარიყო. ან ჩაშვებულიყო წყლის მორეგში ვერცხლის ჰერტლიან თევზებთან ერთად საცურაოდ.

ახალგაზდა კაცი ველარაფერს ჰხედავდა ელენეს გარდა. ის მას უცქეროდა ხარბად, სულგანაბული. არასოდეს არ სჩვიებია ისე მომხიბვლელი და სანდომიანი, როგორც ეხლა, როცა მთელი მისი სხეული გაზაფხულის მზის სხივებში იყო გახვეული. შეუმჩნეველად მიუახლოვდა, წელზე ნახად ხელი შემოაქლო და ყურის ძირთან აკოცა.

ქალი ოდნავაც არ განძრეულა: ისე ბუნებრივად გიჟვანა ეს ამბორი, ისე შეთანხმებულად ამ წარმტაც მიდამოებთან, თითქო მთიდან მოწყვიტილი ნიავი ყოფილიყო. შემდეგ, თითქო სიზმრისაგან გამოერკვიაო, გადაქარბებულს სიმხიარულეს მიეცა. მან დაიწყო ჭიკჭიკი, მღერა, სირბილი, ხტუნაობა გალიიდან გამოშვებული ჩიტივით. ბოლოს დაღლილობა და წყურვილი იგრძნო და ვახს უკან დაბრუნება სთხოვა.


სადგურზე ვახტანგი ლუღითვაჟუმასპინძოდა. შემდეგ სამამოს მატარებლით ტფილისში დაბრუნდნენ და უსიტყვოდ

ქალის ბინისაკენ გასწიეს. ოთახში შესვლისათნავე ელენემ კარები მიხურა, ვახს კისერზე ხელები მოჰხვია და მკერდზე თავი დაუდო პატარა ზავშვივით, რომელმაც რამოდენიმე დღე დედის დაშორებით გაატარა. ვაჟმა ტახტისკენ მიიზიდა, ძალით მუხლებზე დაისვა და გაშმაგებით კოცნა დაუწყო, თითქო მშვიერია და შექმა უნდაო. ქალი ცოტა არ იყო დააფრთხო ამ მოულოდნელმა სეტყვამ:



† ანტონ ფურცელაძე.

მან დიდის ვაივაგლახით თავი გაინოაგისუფლა, ფანჯარასთან გაჩერდა და ქუჩისკენ დაიწყო ყურება. ვახტანგი წამოდგა, ქული დაიხურა და გამოუმშვიდობებლად გარედ გავიდა. ელენეს უკან არ მოუხდენია. მაგრამ, როცა მან ქუჩაზე მიმავალი ყმაწვილი დაინახა, რაღაც მწვაგი, გულის შემკუმშავი სევდა და სინანული იგრძნო. ის ეხლა მზად იყო დაეძახა მისთვის, ყელზე გადაქლომოდა და აჩქარებულს ნაბიჯით. ოსკარ უალდის ზღაპრები კარგა ხანია დავიწყებული იყო. მათი ადგილი დაიკავა სხვა ზღაპრმა, რომელიც უძლიერესია ყოველს სინამდვილეზე. ადამიანები მას ყოველთვის სრყვარულს უწოდებენ, მიტომ რომ მათს ენას აკლია ათი ათასი სიტყვა, მისი მრავალფერადობის გამოსახატავად რომ არის საჭირო.




კომპოზიტორი კ. გვაცხვერაშვილი.  
მისი კონცერტების გამო ქუთაისში.

დრო მიდიოდა შეუმჩნეველად, აჩქარებულის ნაბიჯით. ოსკარ უალდის ზღაპრები კარგა ხანია დავიწყებული იყო. მათი ადგილი დაიკავა სხვა ზღაპრმა, რომელიც უძლიერესია ყოველს სინამდვილეზე. ადამიანები მას ყოველთვის სრყვარულს უწოდებენ, მიტომ რომ მათს ენას აკლია ათი ათასი სიტყვა, მისი მრავალფერადობის გამოსახატავად რომ არის საჭირო.

ელენე თავს ისე გრძობდა თითქო მოჯადოებულს კუნძულზე სცხოვრობდა, სადღაც შორს ადამიანებისაგან. ყველაფერი გულგრილობის სიბნელებში მოიკო ვახტანგის გარდა. ის ბედნიერი იყო მასთან ერთად ყოფნით, მასთან საუბრით, მისი ერთი გაღიმებით. ხშირად საკმაო იყო მისი სახელის გაგონება, რომ მთელს ტანში ნეტარების ჟრუანტელი ეგრძნო. სწამდა, რომ ცხოვრების მიზანი მიღწეულია, რომ სხვა აღარაფერი დარჩენია საღ-

\*) იხ. სურათებიანი დამატება № 182.



ტფ. ქართულ გამნაზაბთან არსებული უფასო სახადილო: სახადილოში არიან გამგე კომიტეტის თავმჯდომარე კნ. მ. ვ. ჯამბაკურ თარბელიანისა (+) და კომიტეტის წევრები.  
(იხ. ლღვ. „სახ. გაზ.“)

და იმ გვარს გრძობას, როგორსაც განიცდის ადამიანი, როცა შთის მწვერვალზე ასვლას ჰლამობს. აი, უკვე სძლია პირველი დაბრკოლება და დაიპყრო ქვედა კალთა. მაგრამ ის არ სდგება: ის მიიღტვის მოუთმენლად ზეგით, რათა დაიმორჩილოს მთელი მთა მისი ფერდობებით, ხრამებით და ნაპრალებით.

ხშირად, ნორჩი სხეულის სიახლოვით აღელვებული და ვნება აშლილი, იმ წუთებში, როცა ყოველი მამაკაცი გულახდილია ცინიზმამდე, ვახტანგი თავდავიწყებით ეკვრებოდა ელენეს და ბუტბუტებდა სიტყვებს, რომელნიც უთვალავჯერ განმეორებულან ამ ქვეყნად.

— შევსვათ ძირამდე სიამოვნების ფილა, დავსტკბეთ სიყვარულით, როგორც ფუტკარი სტკბება ყვავილის წვენით!

ქალს გულწრფელად აკვირებდა ასეთი დაქანება. განა შეტი სიამოვნება და შეიძლება, განა არსებობს კიდევ სიტკბოება, რომელიც შეედრება გულის სიღრმიდან ამოქრისს რგენაცვალეს?

ვაჟი სულით და გულით ჰგმობდა ზედმეტს თავდაჭერილობას და ყოველ დღე ჰკითხოლობდა ერთსა და იმავე ქადაგებას ებრაულ-ქრისტიანული მწირობის შესახებ, რომელიც სპობს ცხოვრების სიხარულს და მიწაში მარხავს ბუნების მიერ მომადლებულ ნიქს. შუალამისას შინ ბრუნდებოდა ძალზე დაღვრემილი და ნერვებ აშლილი.

ოთახში შესვლისთანავე სანთლის აუნთებლად ტანთ იხდიდა და ლოგინში წვებოდა. მაგრამ ამაოდ სცდილობდა დაძინებას. გული აჩქარებით სცემდა, წარსული დღის უთაბეკდილებები თავში ირეოდნენ. გარშემო მქვარტლის და იოდის სუნნი იდგა, ქერზე თავგები დარბოდნენ ცოფ-შეყრილნივით. შეზობელს ოთახში კა დიასახლისი ხვრინავდა. ეს ხვრინვა ჩვეულებრივად უცნაური სტვენით იწყებოდა, შემდეგ უცებ საშინელ ხრიალად იცვლებოდა და ხშირად გათენებამდე გრძელდებოდა.

ერთხელ ვახტანგი მოთმინებიდან გამოვიდა, ბრაზმორეული ლოგინიდან წამოიჭრა და მთელის ძალდონით კედელზე დაარახუნა. დედაკაცმა გამოიღვიძა და იკითხა:

— რა გნებავთ ბატონო ვახტანგ?—ეს სიტყვები ისეთი არაჩვეულებრივი სინაზით იყო წარმოთქმული, რომ ყმაწვილკაცს შეეშინდა და ფეხაკრეფით ლოგინს დაუბრუნდა ვადასწყვიტა დროებით დამორჩილებოდა ბედისწერას.

ამ ხანაში მისი პატარა ფელეტონებს და მინიატურებს მსოფლიო სევდისა და რეზიგნაციის ბეჭედი ესვა.

\* \* \*

ერთს საღამოს ის ელენეს ესტუმრა მოყვითალო ვარდით მისალმებისთანავე ახლად გაშლილი კოკორი ლოყასთან მიიღო და იკითხა, რავდენად ჰგავს მისი სახის ფერი ყვავილისას. ქალმა გულისტკივილით შეაშჩნია, რომ ის ამ ბოლო დროს მართლაც საგრძნობლად გახდა და გაყვითლდა. მზრუნველობით მიუახლოვდა, თმაში თითები შეეუყა და მიეფერა.

ვაჟმა სთხოვა მკერდი გაეხსნა და ტიუჯელს სხეულზე მიეკრა ეს ვარდი, რომელიც ეხლა თითქო მისი ტყუბი, მისი ორობი იყო. ქალი დიდხანს უარზე იდგა. ბოლოს, დიდი ხვეწნისა და მუდარის შემდეგ დასთანხმდა მით უმეტეს ვახტანგმა დაარწმუნა, რომ მისი სურვალი წმინდა ესთეტიური იყო და არა ეროტიული.

ქალს ლილები გაუხსნა მძამედ, სერიოზულად და გულგრილად, როგორც დედათა სხეულების ექიმები იქცევიან ხოლმე. ვარდი ძუძუებს შუა ჩაუდო. სამი კოკორი ერთმანეთს ჰგავდა დაძმასავით. ნორჩი, გამქვირვალე კანი, ყვავილის ფერსა და ლაპპის სინათლესთან ერთად ჰქმნადა ტონების შეუდარებელს ჰარმონიას, რომელიმაც ქალიც მოჰხიბლა და გააკვირვა. მან პარვიოლად აღმოაჩინა უდიდესი ნათესაობა, რომელიც არსებობს ბუნებაში, ნათესაობა მშვენიერს სხეულსა და მშვენიერს ყვავილს შორის.

მაგრამ ესთეტიურმა ცქერამ და სიამოვნებამ ჩქარა დაუთმო ადგილი ვნებას და ხორცაელს გულის თქმას. ვაჟი მთრთოლვარე ხელებით შეეხა გაღელვლს მკერდს. მის თვალეში ქალის ტანმა უცებ დაჰკარგა იდუმალობის შარავანდედი. ის გათამამდა და აენტო გალიაში მომწყვდეულ მხეცივით, რომელიც თავის მწვრთნელის სახეზე შიშა ან სისხლის წვეთს აჩენს...

... ბოლოს ქალი დანებდა, დანებდა უფრო დედაკაცური სიბრალულისა, დედაკაცური ცნობის-მოყვარეობისა, ვიდრე ნამდვილი საკუთარი სურვილის გამო...


ვახტანგი შინ გათენებისას დაბრუნდა. ფანჯარა გააღო და აღმოსავლეთისკენ გაიხედა. (კა სისხლის ფრად იღებებოდა

ოთახში დილის გრილი ნიაფი შემოიჭრა და ახლად დამწიფებული ალუბლის ნახი სურნელმა შემოიტანა. მეზობელი სახლის სახურავზე ნიბლია უსტვენდა. პაუზების დროს შორიდან ისმოდა მეორე ნიბლიას პასუხი. ყმაწვილი კარგა ხანს უგდებდა ყურს ამ უცნაურს დიალოგს. შემდეგ საარკე აიღო და თავის სახეს დააქჷრდა. ძალიან მოეწონა ის. ტუჩების გარშემო პირველად აღმოაჩინა ოდნავ სასტიკი ღიმილი, ლომის ღიმილი, უტყუარი ნიშანი ზეკაცობისა.

\* \*

ელენე ნეტარებად სხვისი ნეტარებით. რასაკვირველია ის გრძობდა იმ გამოურკვეველს სევდას, რომელსაც გრძობდა ქალწული, როცა სამუდამოდ ჰკარგავს იმას, რისი დაბრუნებაც აღარ შეიძლება. მაგრამ ამ სევდას საფუძვლით იწონიდა ის სიხარული, სულგრძელი ადამიანი რომ განიცდის, როცა თავისი საჩუქარით საყვარელ არსებას აბედნიერებს. ჰხედავდა რომ ეხლა ვახტანგი ყოველთვის მხიარული და კმაყოფილი იყო და ეს გარემოება მასში კიდევ უფრო აღვივებდა თავგანწირვის და დამორჩილების სურვილს. და ისიც ემორჩილებოდა სხვის ნებას.

უვახტანგოდ ეხლა ერთი დღის გაძღვებაც უჭირდა. რაღაც გამოურკვეველი შიში და მოუსვენარობა იცავდა მთელს მის არსებას, როცა ვაჟი იგვიანებდა. ერთს ადგილზე ვერ სდგებოდა, წამ-და-უწუმ ფანჯარასთან მივბოდა, შუბლით ცივს მინას ეკვროდა და ქუჩაში მიმავალს ხალხს აცქერდებოდა. დაღამებისას, როცა საგნები და ადამიანები ნელ-ნელა სიბნელეში ინთქებოდნენ, მის გულს რაღაც გამოუთქმელი კაეშანი აწვებოდა. მოწყვეტილი ტახტზე ეშვებოდა, სახეს ბალიშებში მალავდა და სულგანაბული ყურს უგდებდა ნაცნობი ნაბიჯების მოახლოვებას.



ქართულ ჯიშნახთან არსებული უფასო სასადილო საზარეულო. (იხ. დღევ., სახ. გაზ.)

ხან და ხან ფიქრობდა წასულიყო საძებნად. მაგრამ ვახტანგმა დაბეჯითებით სთხოვა, არასოდეს რედაქციაში ან ბინაზე არ მისულიყო მის სახანავად: ის გაუბოდა დიადი გრძობის შარაზე გამოფენას, მას არ უნდოდა გაუფრთხილებლობით ვისმესთვის საბაბი მიეცა ტალახიანი ხელით მის სპეტაკს ზრახვას შეჰხებოდნენ. ქალს სჯეროდა ამ სიტყვებისა და ყოველთვის თავს ეკავებდა...

აი უცებ ქალაქის გამოურკვეველს გუგუნში ის არჩევდა აჩქარებული ფეხის ხმას, რომელსაც ასე მოუთმენლად ელოდა. სიხ რულისა და შვების გრძობას ჰგვრიდა ეს ხმა მთელს მის სხეულს. სწრაფად ზეზე დგებოდა, თმასა და ტანისამოსს ისწორებდა და ძვირფასს სტუმარს კარებს უღებდა.

ჟურნალისტი შემოდოდა გამარჯვებულ რომაელ მხედართ-მთავარივით. ქუდს ტახტისკენ ისროდა და მძიმედ სკამზე ეშვებოდა. ქალი ეგებებოდა, როგორც ეგებება ერთგული ძალი მოგზაურობიდან შინ დაბრუნებულს პატრონს. მაგიდაზე თავს სდებდა, ქვევიდან თვალეში შეჰყურებდა და დავიანების მიზეზს ჰკითხავდა.

ვაჟა უპასუხებდა, რომ ეხლა აღარ შეუძლიან სიყვარულსა და პირადს განცხრომას იმდენი დრო მოახმაროს როგორც წინად. მას მოუწოდებს მაღალი ვალდებულება, ვალდებულება მწერლისა და საზოგადო მოღვაწისა. უკაცობისა გამო თითქმის მთელი რედაქცია მას აწევს კისერზე. ხუმრობა საქვეროდია ყოველ-დღიური გაზეთის გაძღვლა და ისიც რუსულს ენაზე. მკითხველი საზოგადოება უფრო ფაქიზი გემოვნებისაა, უფრო ნაზად შეზავებულს საკვებს მოითხოვს. ამას გარდა ვერ დაივიწყებს იმ იდეალებსაც, ბავშობიდანვე რომ ატარებს გულის სიღრმეში. უსახელო ჟურნალისტის ბედი სრულიადაც არ უღიშის. სრულიადაც არ სწადიან თავისი ნიჭი ქრონიკასა

და რეცენზიებში ჩამარხოს. არა, ის სცდილობს გააღვივოს დეითური ნაპერწკალი, თავის ბუნებაში რომ გრძობს და შემდეგ თავის ერს მოევიწიოს ციკხლად, ცეცხლად, რომელიც სწავას და ანადგურებს ყოველივეს, რაც დრომოქმული და დახავსებულია.

ეხლახან ამზადებს დიდს გამოკვლევას რუსთა სიმბოლისტიკისა და მათი საერთაშორისო მნიშვნელობის შესახებ. აზრად აქვს ეს შრომა ჯერ საჯაროდ წაიკითხოს და შემდეგ ცალკე გამოსცეს. ეს, ასე ვსთქვათ, მისი მომავალი სარბიელის დასაწყისი იქნება.

შემდეგ ფერად-ფერადი სიტყვებით ჰხატავდა მომავალს სარბიელს, ამ ფართო ასპარეზს, მის თვალწინ რომ იშლებოდა. ნათლად ჰხედავდა თავის თავს, როგორც იქმნება სულ რამოდენიმე წლის შემდეგ: ახალგაზდა, მაგრამ უკვე კარგად ცნობილი მგოსანი, მქერმეტყველი, ყვალს სათაყვანები ლექტორი. აი, დღეს მისი საჯარო ლექციაა გამოცხადებული. დარბაზში ტევა არაა. ყველა მოუთმენლად ელის კარგად ნაცნობი სახის დანახვას. აი, ისიც შემოდის და თავდაქერილი კეთილშობილური მიმოხვრით კათედრაზე აღის. ათასი თვალი მისკენ არის მიპყრობილი. ნისლით დაფარული მისი თვალეები კი ვილაცხს ეძებენ. ყველა ცნობის-მოყვარეობით იქით იცქირება, საითკენაც მან სალაში გაგზავნა თავის ოდნავ დახრით. მიმაღულს კუთხეში ელენეს ჰხედავენ! ქალების სახეზე შური იხატება, კაცებისაზე კი სევდიანი აღტაცება.

მაგრამ გაისმის პირველი სიტყვა და მთელი დარბაზი ერთი გრძობით იმსკვალება. დასაწყისში ის უფრო რაიმე გარეულს კატას ჰგავს, სისხლის მსმელს, რომელიც ძალ-ღონეს იკრეფს მსხვრებლზე თავდასაცემად. შემდეგ თან და თან ენერგიას შლის და მხეცთა გენიოსურს მწვრთნელს ემსგავსება. თავის წინ ჰხედავს დასაურგებელ ცხოველთა ჯოგს, რომელიც სავსებით ემორჩილება მის ჯადოსნურ მიმოხვრათა გავლენას. ინგლისური მათრახი იზნიქება მის ხელში. გაისმის ტაკანი. მას ჰგონია შოლტის ხმაურობაა. სინამდვილეში კი აღტაცებული ბრბო ტაშის ცემით სწყვეტს მის სიტყვათა მიმდინარეობას.

გათავა. დარბაზს რამოდენიმე წუთით სამარისებური დუმილი იცავს. ბრბო ვერ გამორკვეულა: ის ნახევრად შეუგნებლად გრძობს, რომ ეს იყო არა მშრალი ქადაგება, არამედ დიადი მღვდელთ მოქმედება. შემდეგ გაისმის ვაშას გრიალი. მამაკაცები სკამებს ამტვრევენ, ქალები ჰისტერიულად გაჰკივიან. გამარჯვებული კი გადის წყნარი, ამაყი ნაბიჯით.

გარედ ავტომობილი ელის. ნახევრად ბნელს კუთხეში ელენეა ძიყრდნობილი. სახეზე პირბადე აქვს აფარებული, მაგრამ ნათლად სჩანს, რომ ფერწასული და აღელვებულია. ავტომობილი იძვრის. ორი განმარტოებული ადამიანი ერთმანეთს ეკვრის და ყველაფერ დავიწყებას ეძლევა ვნებიანს კოცნაში...

... ელენე თავის ოთახშია და მის დაბრუნებას ელის. ის მისვენებულია რბილს სავარძელზე. მის წინ სპილოს ძვლის პატარა ტაბლაზე ბროლის ლარნაქში უცხო ყვავილების თაიგულია. გაღებულს ფანჯარაში შედის მისი შადრევანის ჩხრიალი, მარმალისა აუზიდან რომ სჩქევს. ბინდდება. ვახტანგი უხმოდ შედის ნახამოფარებულ კარებში და მოულოდნელად ჰკოცნის მას კისერზე, იმ ალაგას, სადაც თმა იწყება...

ელენე სავსებით მოხიბლული იყო ამ სურათებით. მასში იღვიძებდა დიდებისა და ფუფუნების მოთხოვნები, თითქმის ყოველს დედაკაცში რომ არის დაფარული. მაგრამ მასთან ერთად თავის ბუნების სიღრმეში ამჩნევდა სხვა გრძობის მოძრაობას, სხვა ინსტინქტს, ძლიერს, როგორც თვით სიყვარული და სიკვდილი: ინსტინქტს დედობრივობისას.

განმარტოების წუთებში ხშირად ოცნებობდა ბავშვის ყოლაზე. ოცნებაში თითქმის ჰხედავდა კიდევ პირმშოს, ბატარა, თეთრ ტანისამოსით გამოწყობილს ვაჟს, რომელიც სერიზოზის დროს თათებით უმწეოდ ჩასქიდებია მის ნეკს. ხან და ხან ჰფიქრობდა, რომ ეს არის სიყვარულის საბოლოო მიზანი, რომ ხორციელს გულის თქმას სხვა გასამართლებელი საბუთი არა აქვს, გარდა შვილის გაჩენისა.

ერთხელ, როცა ვახტანგი ოცნებით შეზარხოშებული იყო, ქალი მას ახლო მიუჯდა, თავი თავს მიუღო და თავის გულის ნადები გაუმხილა. ჰკითხა აგრედვე, სურს თუ არა მას საყვარელი არსებისაგან ბავშვის ყოლა.

ყმაწვილს არაფრად მოეწონა ეს აზრი. არა, ის სრულიადაც არ ფიქრობს ამის შესახებ. უფრო საკუთარი პიროვნების გაღრმავებას და გაცეთილშობილებსკენ მიილტვის, ვიდრე მოდემის გამრავლებისაკენ. საზოგადოდ ეს გამრავლების აღლო დაბალი რასის დამახასიათებელი თვისებაა. ყველაზე მეტად ნაყოფიერი ზანგები, ებრაელები და ქართველებია. მაღალი რასები კი განვითარებული ინტელექტის საშუალებით, სქესობრივს აქტში, ასე ვთქვათ, დისოციაციას ახდენენ: ისინი ანცალკევებენ უაღრეს, დიონისურ სიამოვნებას ცხოველური, პანისებური ნაყოფიერებისაგან. ლომები და ვეფხვები ნაკლებ მრავლდებიან, მაგრამ ერთი მათი ლეკვი სჯობს ათას კურდღლის ბაჭიას.

\* \*

თუმცა ახალი ქართველი ვეფხის ტყაოსანი გულწრფელად წინააღმდეგი იყო შვილის გაჩენისა, მაგრამ ბუნებამ ალბად ცოტა სხვანაირად განსაჯა და ელონემ ერთს დღეს შეამჩნია, რომ ფეხშიმოდ არის. ამ აღმოჩენამ პირველად დაალონა და შეაშინა, მაგრამ შემდეგ თან და თან დამშვიდდა და შეეცადა თავის მდგომარეობისთვის ანგარიში გაეწია.

ჩვენი საზოგადოების შეხედულება, უკანონო სიყვარულის ნაყოფის შესახებ, რასაკვირველია, კარვად იცოდა. ამიტომ გადასწყვიტა არ დაეყოფნებინა და ვახტანგისთვის პირველი შეხვედრისთანავე აეხსნა საქმის გარემოება. მისი აზრით სჯობდა ეხლავე სოფლად წასულიყვნენ ჯვარის დასაწერად.

ვახტანგი ამ დღეს მეტის მეტად კარგს გუნებაზე იყო, როცა მივიდა. დილით უკვე დაემთავრებინა შესავალი იმ შრომისა, სიმბოლისტების შესახებ რომ ამზადებდა. ეს შესავალი, მისი სიტყვებით, ხუთს თაბასს შეიცავდა და სავსე იყო ახალი, ჯერ გამოუთქმელი აზრებით და შეხედულებებით. თვითონ მას აკვირვებდა ასეთი ნაყოფიერება იდეათა სფეროში.

ელენე გრძობდა, რომ ვაჟი არასოდეს არაჰყვარებია ისე ძლიერ, როგორც ეხლა, ამ წუთში. ეხლა ის მისთვის ძვირფასი იყო, არა მარტო როგორც სატრფო, არამედ როგორც მამა მისი მომავალი შვილისა. მუხლებზე დაუჯდა, კისერზე ხელი მოჰხვია და უძღვნა უწმინდესი კოცნა, ახალგაზდა დედის ამბორი. შემდეგ უბრალოდ, უშესავლოდ გაუმხილა, რომ ფეხშიმოდ არის.

ვახტანგს ცივი ოფლი დაასხა, როგორც მხდალის მეომარს, ამწვანებულს მდგლოზე რომ უზრუნველად მიდის მღერით და უცებ მტრის მიერ გათხრილს საფარს აწყდება. მაგრამ ჩქარა თავი შეიკავა და უცნაურად გაიღიმა. შემდეგ გამწყდარი ხმით იკითხა, ხომ არ სკდება ელენე.

ქალს ცოტა არ იყოს ეუცხოვა ყმაწვილის გამომეტყველება და კილო ლ მზრუნველობით ჰკითხა, ხომ არ სწყენია ეს გარემოება.

— ოჰ, არა! თამამად შეუძლიან სთქვას, რომ არ სწყენია... მხოლოდ ცოტათი ააღელვა მოულოდნელობამ... რაიცა სრულიად ბუნებრივია, რასაკვირველია... რაც შეეხება სოფლად გამგზავრებას, ამისათვის მომზადებას კიდევ ცოტაოდენი ხანი სჭირია, უსათუოდ. საქირია თავდარიგის დაქერა, დედამის წინ და წინვე გაფრთხილება. ასე უცებ მიხლომა როდი შეიძლება. თვით ელენეც ამ აზრისაა, უუკველია.

ქალი ძალაუნებურად დასთანხმდა რამოდენიღე დლით დაცდას. შემდეგ სთხოვა, დღეს მაინც ჩვეულებრივზე მეტს

ხანს დარჩენილიყო, რადგან საზოგადოებისა და მწერის არაჩვეულებრივს მოთხოვნილებას გრძობდა. მაგრამ ვაჟმა თავის ტკივილი მოიმიზეზა და ადრინად გავიდა სახლიდან.

\* \*

შუბლი უხურდა, საფეთქელი უცემდა, სასა უშრებოდა, გზა-გზა ვერაფერს ჰხედავდა, არც არა რა ესმოდა. ვერის ხილზე მდინარის დუდუნმა უცებ გამოარკვია. ვიწრო ბილიკით დაეშვა და წყლის პირას დაჯდა.

ბნელოდა. საღამოს გრილი ნიავი ჰქროდა. სამხრეთის ლურჯი ცა მოქედილი იყო ვარსკვლავებით. მაგრამ ვახტანგი ირგვლივ ვერაფერს არჩევდა. სკდილობდა ახლად შექმნილი მდგომარეობისათვის ანგარიში გაეწია, რაიმე გზა გამოენახა, მაგრამ ვერ სძლიებდა. ბოლოს გადასწყვიტა ნერვების დასამშვიდებლად მდინარეში ებანავა. მტკვრის ამღვრეულმა ტალღებმა ამღვრეული სისხლი ოდნავაც ვერ ააუმშვიდა.


ისევ ზევით ამოვიდა და უმიზნოდ ხეტიალი დაიწყო. ნაშუალამეფს ავლაბრის ერთ პატარა სარდაფში ჩავიდა და მშვადი და ღვინო მოითხოვა. მეხუთე კიქს შემდეგ დაინახა, რომ მისი მდგომარეობა არც ისე გამოუსვლელი იყო, როგორც პირველად ეგონა და ცოტათი გულ-გამხიარულბულმა სარდაფის პატრონი მიიპატიუა. მეათე კიქის შემდეგ მან მიკიტანს, როგორც ტარიელმა ავთანდილს, თავისი რომანტიული თავგადასავალი უამბო.

შინ გათენებისას მივიდა და ტანთგაუხდელი დაწვა. უკვე ბინდებოდა, როცა გამოელვია. პირველად ელენეს ნაამბობი გაახსენდა, შემდეგ ის გადაწყვიტილება, სამიკიტნოში ყოფნის დროს რომ თავში გაუელვა. ჩქარა ადგა და ენერგიული ნაბიჯით ქალის ბინისაკენ გასწია.

ოთახში სანახევროდ ბნელოდა. ვახტანგი ელენეს მხიარულად მიესალმა, ხელებში ხელი ჩასქიდა, ფანჯარისკენ მიიზინდა. ქალმა თვალებით ჰკითხა ახალი ამბავი. ვაჟმა ის მკერდზე მიიკრა და ტუჩებზე ხანგრძლივი კოცნა აღუბეჭდა. შემდეგ თავი აიღო, წარბები შეიკრა და თავისი გადაწყვეტილება გაუმხილა, გონიერი რჩევა იმ მაღალი რასის წარმომადგენელია, ნაკლებ რომ მრავლდება. ქალმა გულზე ხელი ჰკრა და გაშტერებული თვალბებში ჩააცქერდა. მან დაინახა ვაჟის გაფთვრებული სახე საღამოს მწუხრში გახვეული. და ამ სახეზე, მას რომ ყოველთვის ასე სპეტაკად მიაჩნდა, პირველად ეხლა აღმოაჩინა ლაქა, საშინელი ლაქა, რომელიც არასოდეს არ წარხიბოცება. ოდნავ შეჰკვივლა და ტახტზე დაეშო... შემდეგ დაღვარა ცრემლები, მწარე ცრემლები იმედ-დაღუბული ადამიანისა.

შემდეგი იქნება.

გერონტი ქიქოძე.



„საზოგადოებრივი კლუბის“ უცხო სტუმარი: ეს ვინ არის?

„საზოგადოებრივი კლუბის“ წევრი: ეს გახლავთ ახალგაზდა კრიტიკოსი და ლექტორი, რომელსაც დარჩა ტფილისის სოლექტორთ ბურთი და მოედანი?!